

Áigeplána servodaga rahpamii cehkiid mielde

Miessemánu 7. beaivvi dahkkojuvvot čuoovovaš rievdadusat:

- Joavkkuid sturrodat priváhta oktavuođain lasihuvvo viđá olbmos gitta eanemusat 20 olbmui, mii eaktuda ahte sáhtta doallat unnimusat ovttá mehtera gaska.
- Dat mearkkaša ahte maiddái hárbhallamat ja eará organiserejuvvon válašallandoaimmat sáhttet čađahuvvot eanemusat 20 olbmui geat dollet unnimusat mehtera gaska. Dás leat Dearvvašvuođadirektoráhta ávžžuhusat ja valášallama iežas njuolggadusat mat gustojit. Daid berre čuoovvut.
- Valášallanhállat sáhttet rahpat. Lea gildojuvvon atnit molssodanlanjaid valášallanhállain.
- Lea lohpi lágidit priváhta doaluid main leat gitta 50 oasseváldi almmolaš báikkis, gos oasseváldit sáhttet doallat unnimusat mehtera gaska guhtet guoibmáseaset, ja go lea lágideaddji geas lea ovddasvástádus. Dat guoská buot lágan doaluide, maiddái valášallandoaluide, nugo čoahkkanemiide, cupaide ja kámpaide. Bargit dahje doaimmaheaddjit geat čađahit doaluid almmolaš báikkis eai galgá rehkenastot leat oassin doaluin. Sin rolla ferte čielggaduvvot sierra fidnosuorgestándardain.
- Olgoriikamátkkiid gieldin dearvvašvuođabargiide heaittihuvvo. Rávvejuvvo ain garvit astoáiggemátkkiid. Olbmot geat leat leamaš olgoriikkas, fertejit ain erremii go bohtet ruoktot.
- Álbmot ferte leat gearggus ahte mátkeerren sáhtta bistit geasi badjel.
- Errengesku rievdaduvvo 14 beaivvis 10 beaivái. Olbmot geat leat leamaš lagas oktavuođas njoammuduvvon olbmuiin gitta 48 diimmu ovdal go go son oaččui daid vuosttaš symptomaid galget erremii. Galgá ain erremii jus lea leamaš lahkalaaga njoammuduvvon olbmuiquin lagabus go guokte mehtera eret guhkit go 15 minuhta. Addo vejolašvuohta garvit errengesku guhtta mánu olbmuiide geain lea leamaš SARS-CoV-2 infekšuvdna.
- Bargoaddit berrejit sihkarastit ahte bargit sáhttet doallat unnimusat mehtara gaska olles bargoáiggis Guovllut riikkas gos olbmot leat sorjavaččat atnit almmolaš fievruid ávžžuhuvvot bargoaddit láchit dili ruovttokantuvrii ja elektrovnnalaš čoahkkinastimii nu guhkás go vejolaš, ja leat fysalaččat bargosajis dušše go lea dárbbalaš. Dát guoská earenoamažit Oslo-guvlui ja eará gávpogiidda gos lea deaddu kollektiivajohtolagas.

Miessemánu 11. beaivvit šaddet čuoovovaš rievdadusat:

- Buot skuvllat ja joatkkaskuvllat galget rahpat buot luohkáide vahku 20 mielde. Njoammuma gáhttenjuolggadusat galget čuoovuvvot, mii sáhtta mearkkašit ahte buohkat eai sáhte leat skuvllas oktanaga.
- Rávisolbmuid oahpahus ja introdukšuvdnalága oahpahusortnegat báhtareddjiide sáhttet maiddái rahpat vahku 20.
- Álbmotallaskuvllat dollojuvvot gitta skuvlajagi lohppii, earret oanehiskurssaid.

- Vuodjinskuvllat sáhttet rahpat. Sii galget čuovvut njoammuma gáhttengáibádusaid mat gusket eará fitnodagaide main oktavuohta guovtti olbmo gaska.
- Áigumuš lea ahte bingohállat ja dakkáraččat sáhttet rahpat.
- Universitehtat, allaskuvllat ja fágaskuvllat galget joatkit gáiddusoahpahusa. Studeanttaide geat fertejtit leat oahppobáikkis doalahan dihte oahppoprogrešuvnna, sáhttá addit beassanlobi. Oahppobáikkis galget čuovvot njoammuma gáhttenfágalaš doallelaš doaimma gáibádusaid.
- Kursadoaimmat studieforbund og Kompetansepluss ásahusaid olis galget joatkit gáiddusoahpahusain. Studeanttaide geat fertejtit leat oahppobáikkis doalahan dihte oahppoprogrešuvnna, sáhttá addit beassanlobi. Oahppobáikkis galget čuovvut njoammuma gáhttenfágalaš gáibádusaid doahtalahtti doibmii.
- Almmuhuvvo bagadus valáštallamii, mii deattuha mánáid- ja nuoraidvaláštallamiid mat mielddisbuktet fysalaš guoskama, nugo ovda mearkka dihte spábbačiekčan. Mihttomearri lea ahte mánát ja nuorat veahá eanet sáhttet doaimmahit iežaset valáštallama eanet dábálaš láhkái go odne, ovda mearkka dihte čiekčat earáid vuostá iežaset joavkkus. Dat galgá dahkkot njoammunfágalaš oadjebas láhkái.

Geassemánu 1. beivvi rájes lea áigumuš dahkat čuovvovaš rievdadusaid:

- Guossohanbáikkis mat eai vuovdde biepmu sáhttet rahpat, nu guhká go sii sáhttet doallat njuolggadusa ahte galgá leat unnimusat mehtera gaska. Galget leat gáibádusat čohkkansajiide ja beavdeguossoheapmái lánkanjuolggadusas.
- Hervvoštallanpárkkat sáhttet rahpat.
- Rahppojuvvo organiserejuvvon vuojadeapmái, oktan skuvlavuojademiin.
- Helsedirektoratet (Dearvvašvuođadirektoráhtta) ja Folkehelseinstituttet (Álbmotdearvvašvuođainstituhtta) ráhkadit ođđa astoáigemátkkoštanrávvagiid mañemusat miessemánu 15. beivvi. Rávvagat gustojit geassemánu 1. beivvi rájes.

Geassemánu 15. beivvi rájes lea áigumuš dahkat čuovvovačča:

- Rahppojuvvo doaluide main leat gitta 200 olbmo.
- Áigumuš rahpat hárrjehallanguovddažiid, mii eaktuda ahte dearvvašvuođaeiseválddit ovttas fidnosurggiin leat gávnahan doallelaš doaimmaid njoammungáhttemii.
- Áigumuš rahpat vuojadanbáikkiid ja vuojadanhállaid oppalaččat olbmuide, mas lea eaktun ahte dearvvašvuođaeiseválddit ovttas fidnosurggiin leat gávnahan doallelaš doaimmaid njoammungáhttemii.
- Bajimusspábbačiekčama ráidočiekčamat šaddet lobálaččat geassemánu 16. beivvi rájes, spiehkasteami mielde covid-19-lánkanjuolggadusas.